



XUNTA DE GALICIA  
CONSELLERÍA DE SANIDADE



SERVIZO  
GALEGO  
de SAÚDE

**División de Recursos Económicos**

**FAX**

**DATA: 02.02.2009**

**PARA: D. Alberte González**

**DE: DIVISIÓN DE RECURSOS ECONÓMICOS**

**NÚMERO DE PÁXINAS:**

**TELÉFONO:**

Se non recibe todas as páxinas, rogámoslle que nolo indique.  
Si no recibe todas las páginas, le rogamos que nos lo indique.


**TEXTO:**


Cláusula sétima do Convenio para a construción do Novo Hospital de Vigo.  
Un saúdo,  
Francisco Pais López


**CONVENIO MARCO DE COOPERACIÓN ENTRE A XUNTA DE GALICIA, A TRAVES DAS CONSELLERÍAS DE SANIDADE, A CONSELLERIA DE POLÍTICA TERRITORIAL, OBRAS PÚBLICAS E TRANSPORTES, O SERGAS E O CONCELLO DE VIGO, PARA A CONSTRUCCIÓN DO NOVO HOSPITAL DE VIGO E DOTACIÓN DAS SÚAS INFRAESTRUTURAS.**

Santiago de Compostela, 7 de marzo de 2006.

**REUNIDOS**

 Dunha parte, a **Excma. Sra. D<sup>a</sup>. María José Rubio Vidal**, Conselleira de Sanidade e Presidenta do Servizo Galego de Saúde, en virtude das facultades atribuídas polo artigo 34 da Lei 1/1983, do 22 de febreiro, reguladora da Xunta de Galicia e do seu presidente e no artigo 3 do Decreto 14/2005, do 3 de febreiro, polo que se establece a estrutura orgánica do Servizo Galego de Saúde,

 e, a **Excma. Sra. D<sup>a</sup> M<sup>a</sup> José Caride Estévez**, Conselleira de Política Territorial, Obras Públicas e Transportes, en virtude en virtude das facultades atribuídas polo artigo 34 da Lei 1/1983, do 22 de febreiro, reguladora da Xunta de Galicia e do seu presidente e no artigo 3 do Decreto 519, do 6 de outubro de 2005 polo que se establece a estrutura orgánica da citada Consellería e de conformidade co establecido no acordo do Consello da Xunta de Galicia do 27 de marzo de 1991, publicado por Resolución da Consellería de Economía e Facenda de data 8 de abril de 1991 (DOC núm. 82, do 30 de abril).

 E doutra, a **Excma. Sra. D<sup>a</sup>. Corina Porro Martínez**, Alcaldesa do Excmo. Concello de Vigo, coas atribucións que lle confire o artigo 21 da Lei 7/85, de 2 de abril, reguladora das Bases de Réxime Local e no artigo 24 do Real Decreto Lexislativo 781/1986, do 18 de abril, Texto refundido das disposicións legais vixentes en materia de réxime local.

As partes que interveñen recoñécense capacidade legal para outorgar o presente convenio, e para isto

**EXPOÑEN:**

**I.-** Que a Consellería de Sanidade, a través do Servizo Galego de Saúde, ten a intención de executar as obras de construción dun novo hospital na cidade de Vigo, que responde a un estudio integral das necesidades asistenciais, dos recursos existentes e das melloras que é preciso introducir a fin de mellorar a cobertura asistencial da poboación de referencia. Todo elo derivado do correspondente Plan funcional redactado pola propia Consellería de Sanidade e o Sergas.

**II.-** Aínda que tanto este equipamento sanitario, como os viais, terreos e servizos, serán contemplados no planeamento urbanístico do Concello de Vigo, pola súa propia natureza, estas actuacións necesitan ser acometidas ca maior premura posible, polo que, cómpre buscar unha solución que possibilite a súa execución, acudindo a figuras previstas na normativa vixente en materia de ordenación do territorio, que exceden do eido puramente urbanístico, xustificándose pola importancia e especiais características da prestación asistencial no ámbito da atención especializada, que transcende do ámbito municipal no que se localiza.

Polo que as partes asinantes, consideran que no presente caso procede tramitar un Proxecto Sectorial de Incidencia Supramunicipal para a construción do novo Hospital de Vigo e a dotación das correspondentes infraestruturas e servizos.

**III.-** Que as Consellerías de Sanidade, Política Territorial, Obras Públicas e Transportes, o Sergas e o Concello de Vigo, consideran de vital importancia este proxecto, pola súa incidencia no interese público, e para isto, todas elas poñerán os medios necesarios para levalo a cabo coa maior urxencia posible.

**IV.-** As obras contempladas no proxecto sectorial non están suxeitas á licenza municipal tal e como se sinala na cláusula terceira do presente convenio, motivo polo que o Sergas financiará o custo da obtención do solo necesario para a construción do hospital, quedando ademais regulada unha exención a favor dos centros sanitarios públicos en relación ó imposto de bens inmobles, de conformidade co artigo 62.3 do texto refundido da Lei Reguladora das Facendas Locais.

estar comprendidas nun proxecto sectorial de incidencia supramunicipal de marcado carácter territorial de promoción pública.

**Cuarta.-** A Consellería de Política Territorial, Obras Públicas e Transportes, comprométese a realizar a xestión administrativa para a obtención do solo necesario para a execución do sinalado no Proxecto Sectorial de Incidencia Supramunicipal.

O Servizo Galego de Saúde financiará o custo da obtención deste solo.

Os terreos serán cedidos ó Sergas libre de cargas e gravámenes.

**Quinta.-** Por outra banda, o Concello de Vigo comprométese a regular nas ordenanzas fiscais a exención a favor dos centros sanitarios públicos do pago do imposto sobre bens inmobles, o abeiro do previsto no artigo 62.3 do texto refundido da Lei reguladora das facendas locais, aprobado polo Real decreto lexislativo 2/2004, de 5 de marzo.

**Sexta.-** O ámbito do Proxecto Sectorial de Incidencia Supramunicipal abarcará o grafiado no plano adxunto, sen perjuizo dos reaxustes que poidan resultar necesarios e que se concretarán no propio Proxecto sectorial. Neste ámbito, ademais do espazo necesario para a implantación do hospital propiamente dito incluíranse as reservas de espazo dotacional en previsión de futuras ampliacións de equipamentos que poidan ser necesarios para destinalo a usos sanitarios e a outros servizos complementarios como laboratorios de investigación e docencia, hotéis de pacientes ou familiares, aparcadoiro, gardería infantil, así como calquera outro que sexa considerado necesario ou convinte para o óptimo funcionamento do centro hospitalario.

A xestión de tódolos servizos do complexo corresponderá ó Sergas, para o que recorrerá ás formulas de xestión legalmente establecidas.

**Sétima.-** O Concello de Vigo levará a cabo a execución das Infraestruturas urbanísticas precisas que garantan os servizos necesarios para a construción e funcionamento do hospital, en concreto o abastecemento de auga e o saneamento, así como a dotación de subministracións e servizos de gas cidade, electricidade, canalización de fibra óptica, e calquera outro que sexa imprescindible ou necesario para a construción e funcionamento do Hospital.

A execución destas infraestruturas deberá concluír con anterioridade á finalización da construción do hospital co obxecto de garantir a súa posta en funcionamento.

A Consellería de Política Territorial, Obras Públicas e Transportes comprométese a executar as obras de accesos rodoviaros así como aquelas outras consideradas de incidencia supramunicipal contempladas no propio Proxecto Sectorial.

**Oitava.-** O Concello de Vigo cederá gratuitamente, e libre de cargas e gravámenes, aqueles terreos do ámbito do proxecto sectorial dos que dispoña no momento da sinatura do presente convenio, así como aqueles outros que o Concello opte por adquirir por calquera título.

**Novena.-** O Concello de Vigo realizará as actuacións necesarias para dotar ao hospital de tódolos servizos públicos relacionados co mesmo tales como liñas de transporte público municipal, recollida de residuos urbanos, ademais de levar a cabo a oportuna sinalización urbana de acordo co SERGAS.

**Décima.-** Constituirase unha comisión de seguimento que interprete e asegure o bo fin e cumprimento do obxecto deste Convenio así como que resolva as controversias xurdidas como consecuencia da execución deste.

A comisión estará formada por oito representantes, dous de cada unha das partes:

1. Pola Consellería de Sanidade a Conselleira e o Secretario Xeral (ou persoas nas que deleguen)
2. Pola Consellería de Política Territorial, Obras Públicas e Transporte a Conselleira e o Director Xeral de Urbanismo. (ou persoas nas que deleguen)
3. Polo Servizo Galego de Saúde o Secretario Xeral e a Directora Xeral da División de Recursos Económicos (ou persoas nas que deleguen)
4. Polo Concello de Vigo a Alcaldesa e o Concelleiro de Urbanismo (ou persoas nas que deleguen)

A comisión reunirse por solicitude dunha das partes asinantes, considerándose constituída se asisten polo menos dous terzos dos membros da comisión ou un representante de cada entidade.

**Décimo primeira.-** O presente convenio entrará en vigor o día seguinte da súa sinatura, e estará vixente ata o estrito cumprimento de tódolas actuacións previstas nel e nos posibles

convenios que o desenvolvan. A estes efectos, o presente convenio será desenvolvido por outros convenios ou addenda nos que se irán plasmando as súas concrecións e cuantificando os seus custos.

**Décimo segunda.**- O incumprimento de calquera das obrigas establecidas neste documento poderá dar lugar a resolución do mesmo e no seu caso, a indemnización dos danos e prexuízos causados.

**Décimo terceira.**- Este convenio ten carácter administrativo, quedando as partes que subscriben suxeitas á xurisdición contencioso-administrativa para a resolución de calquera conflito que puidese xurdir na aplicación deste.


Así queda redactado o presente convenio que, en proba de conformidade asinan os comparecentes, por cuadruplicado exemplar no lugar e data indicados ó inicio.

**POLA CONSELLERÍA DE SANIDADE E O  
SERVIZO GALEGO DE SAÚDE**




Asdo.: **María José Rubio Vidal.**

**POLA CONSELLERÍA DE POLÍTICA  
TERRITORIAL, OBRAS PÚBLICAS E  
TRANSPORTES**



Asdo.: **Mª José Caride Estevez**

**POLO CONCELLO DE VIGO**



Asdo.: **Corina Porro Martínez.**